



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCCXLVII. ad annum MDXXVII.

**Parisiis, 1644**

Mandatvm Maximiliani.

**urn:nbn:de:hbz:466:1-15644**

ANNO CHRISTI  
1512. orationibus, & cantato hymno, Veni creator Spiritus, ut  
moris est; cantatoque euangelio per reuerendissimum do-  
minum Ludouicum sanctæ Mariæ in Cosmedin diaconum  
cardinalem de Aragonia, quod incipit: *Ego sum pa-*  
*stor bonus*, &c. reuerendus dominus Thomas Phædra se-  
cretarius Concilii ascendit ambonem, & legit quoddam  
mandatum procurationis serenissimi & inuictissimi prin-  
cipis Maximiliani electi imperatoris, datum per supra-  
dictum dominum Matthæum Gurensem episcopum, locumtenentem. Cuius tenor sequitur, & est talis.

MANDATVM MAXIMILIANI.

*Maximilianus, diuina fauente clementia, electus Romanorum  
imperator semper Augustus, ac Germaniae, Hungariae, Dalmatiae,  
Croatiae, &c. rex, archidux Austriae, dux Burgundiae,  
Brabantiae, &c. comes palatinus Hannoniae, &c.*

Recognoscimus, & tenore præsentium notum esse voluimus vniuersis, cum impræsentiarum nos destinamus in Italiam & ad Vrbem, venerabilem Matthæum episcopum Gurensem, principem, consiliarium & locumtenentem nostrum generalem in Italia, deuotum ac dilectum, pro quibusdam rebus nostris ibi faciendis. Idcirco nos de eius dexteritate, ingenio atque rerum gerendarum peritia plurimum confisi, motu proprio, & ex certa scientia, ac animo deliberato fecimus, constituimus, creauimus & ordinauimus, ac tenore præsentium facimus, constituimus, creamus & solenniter ordinamus præfatum Gurensem principem & locumtenentem nostrum procuratorem, auctorem ac negotiorum nostrorum gestorem specialem, omni meliori modo, via, iure & forma & ordine, quibus melius & validius de iure possumus & debemus, ad comparendum pro nobis & nomine nostro in Synodo seu Concilio Lateranensi superiori, per sanctissimum in Christo patrem & dominum dominum Iulium secundum sacrosanctæ Romanæ ac vniuersalis ecclesiæ summum pontificem, dominum nostrum sanctissimum, de consensu sacri reuerendissimorum dominorum cardinalium collegii indicto & denuntiato, & illud approbandum & prosequendum, & si, & inquantum opus foret, illud ad alium locum & aliud

tempus transferendum , etiam ex toto tollendum & extingendum , nec non reuocandum , annullandum & irritandum & penitus delendum omnia & singula ea quæ per ecclesiam Gallicanam in ciuitate Turonis eodem anno superiori fuerunt acta , conclusa & deliberata , & similiter ad reuocandum omnia & singula mandata & procuratoria , si qua a nobis emanauerunt pro inductione Concilii Pisani , quod nonnulli cardinales tunc indixerant , & idem Concilium Pisanum penitus tollendum & extinguendum. Dantes & concedentes eidem Gurcensi principi , locumtenenti & procuratori nostro , plenam & amplam potestatem gerendi & exercendi omnia & singula in præmissis & circa ea necessaria & opportuna , iuxta dexteritatem suam , prout magis videbitur expedire ; nec non ad faciendum omnia alia & singula , quæ verus & legitimus & indubitatus procurator , liberam & generalem facultatem habens , circa præmissa facere posset , & quæ nosmet facere possemus , si præmissis personaliter interessemus , etiam si talia forent , quæ mandatum exigerent magis speciale : ponentes dictum procuratorem nostrum , quoad præmissa , \* totaliter in locum <sup>fatu</sup> <sub>ter</sub> nostrum. Insuper promittentes in verbo nostro Cæfareo , & sub bona fide nostra , nos gratum & ratum habituros , quidquid per præfatum principem locumtenentem & procuratorem nostrum in præmissis & circa ea cum omnibus suis dependentibus , emergentibus & connexis , actum , dictum , transactum , concordatum seu conclusum fuerit , & nullo unquam tempore contrauenire directe vel indirecte , aut quoquis exquisito colore vel causa , de iure vel de facto , etiamsi de iure possemus. Supplentes præterea omnes & singulos defectus tam iuris quam facti , qui in præmissis aliquo modo poterunt evenire. Promittentes quoque , vt si forte mandatum istud ad aliqua per supradictum procuratorem nostrum tractanda & concludenda sufficiens non foret , quod nos omnia & singula huiusmodi tractata , & per supradictum procuratorem nostrum sic conclusa , rata , grata & firma habebimus & obseruabimus , harum testimonio literarum sigilli nostri appensione roboratarum.

Datum in ciuitate nostra imperiali Colonia , die pri-

ma mensis Septembris, anno Domini millesimo quingen-  
tesimo duodecimo, regnorum nostrorum, Romani vige-  
simoseptimo, Hungariae vero vigesimotertio.

Per regem.

Ad mandatum Cæsareæ maiestatis proprium.

Quo perleæto, surrexit præfatus reuerendus & illustris  
dominus Matthæus, & legit quamdam schedulam manu  
propria scriptam, cuius tenor est talis.

*Schedula lecta per Gurcensem.*

Ego vigore diæti mandati Cæsareæ maiestatis clemen-  
tissimi & inuictissimi principis, ad abolendum omne schi-  
ma quod in ecclesia oriri posset, & etiam pro executio-  
ne capitulorum conclusorum coram sanctissimo domino  
nostro reuoco quodcumque mandatum qualitercum-  
que concessum Conciliabulo Pisano, & procuratores  
quoscumque, qui in dicto Conciliabulo interuenerunt,  
& omnia acta & agenda per illud Conciliabulum, quæ  
declaro irrita & nulla, nomine præfatæ Cæsareæ maiesta-  
tis, & adhæreo sacro & canonico Lateranensi Concilio,  
ecclesiam vniuersalem repræsentanti, rite & legitime con-  
gregato. Declaro etiam, maiestatem Cæsaream nunquam  
dedisse mandatum ad præfatum Conciliabulum.

Et declaracione facta, præfatus dominus Matthæus  
Gurensis accessit cum ea qua decuit reuerentia ad præfa-  
tum sanctissimum dominum nostrum, & deosculatus est  
pedes eiusdem sanctissimi domini nostri, comitante eum  
dicto illustri domino Alberto de Carpi, præfatæ Cæsareæ  
maiestatis oratore. Quibus peractis, magister Marianus de  
Cuccinis procurator fisci, & præfati Concilii procura-  
tor, petiit a protonotariis & notariis Concilii publicum  
& publica fieri instrumentum & instrumenta de omnibus  
supradictis, &c.

Deinde discretus vir Petrus Menguar sanctissimi do-  
mini nostri cursor, retulit coram præfato sanctissimo do-  
mino nostro, se, instante præfato magistro Mariano de  
Cuccinis procuratore, ad portas ipsius Concilii citasse &  
monuisse omnes & singulos prælatos, & alios tam eccl-  
esiasticos quam sæculares, qui in Concilio interesse con-  
sueuerunt, ut comparerent ad interessendum sacrosancto

184 <sup>IVLIVS</sup> C. LATERANEN. V. <sup>MAXIMILIANVS I.</sup>  
<sup>P. II.</sup> <sup>IMP.</sup>

Concilio. Responione facta, idem magister Marianus ac-  
cusat eorum contumaciam. Demum reuerendus pater  
dominus Petrus Gryphus episcopus Foroliuiensis ascendit  
ambonem, & legit quamdam schedulā tenoris infra scripti.

BULLA TERTIÆ SESSIONIS SACRI  
generalis Concilii Lateranensis.

*Iulius episcopus seruus seruorum Dei, ad perpetuam  
rei memoriam.*

Sacro approbante Concilio, ad illius, cuius perfecta  
sunt opera, laudem & gloriam, sacrum Lateranense Con-  
cilium prosequentes, in hac tertia sessione Spiritu sancto  
fauente legitimate congregata, quam alias tertio Nonas  
Nouembris proxime præteriti faciendam in secunda ses-  
sione indixeramus, & deinde de venerabilium fratrum  
nostrorum sanctæ Romanæ ecclesiæ cardinalium consi-  
lio vnamique assensu, in hodiernum diem tenendam, ex  
certis tunc expressis & aliis legitimis causis prorogauimus  
& indiximus, eodem sacro Concilio prorogationem &  
indictionem huiusmodi ex causis præfatis sibi notis ap-  
probante, post felicem faustamque carissimi in Christo  
filii nostri Maximiliani Romani imperatoris electi sem-  
per Augusti huic sacro sancto Lateranensi Concilio ve-  
ram adhesionem & sinceram unionem, omnia & singu-  
la per damnationis alumnos Bernardinum Caruial, Guil-  
lelmum Briffonet, Renatum de Pria, & Fridericum de  
sancto Seuerino, olim cardinales, eorumque fautores,  
adhærentes, complices & sequaces, schismaticos, hære-  
ticos, & in suam ac aliorum perniciem debacchantes, v-  
nitatem sanctæ matris ecclesiæ scindere fatagentes in  
Conciliabulo Pisano, Mediolani, Lugduni, vel alibi,  
quæcumque, quotcumque & qualiacumque fuerint, et-  
iam decimarum impositiones in vniuerso regno Franciæ  
per eos factas, quorum tenores & qualitates, ac si præ-  
sentibus de verbo ad verbum, non autem per clausulas  
generales infererentur, pro expressis haberi volumus,  
vsque in presentem diem acta, gesta & facta, conscripta  
& publicata seu ordinata, & in futurum forsitan gerenda,  
quamvis sint nulla, irrita & inania, & a nobis, præfato  
Concilio sacro approbante, damnata & reprobata fue-  
rint,